

U G O V O R
O PRUŽANJU USLUGA DEZINFEKCIJE, DEZINSEKCIJE I DERATIZACIJE

Zaključen dana 29. 5. 2015. godine između:

1. **JU Srednja tehnička škola grafičkih tehnologija, dizajna i multimedije Ilidža**, ul. Emira Bogunića Čarlija br. 2, 71210 Ilidža, ID broj: 4200297220008, koju zastupa direktor mr.sci. Muhidin Topčić, (u daljem tekstu: **Naručilac**) i
2. **Preduzeće „Cikolon“ d.o.o Sarajevo** sa registrovanim sjedištem na adresi Obala Isa Bega Ishakovića br. 9/pr., 71000 Sarajevo, ID broj: 4200490490004, PDV broj: 200490490004, koga zastupa direktor Emsad Mujović (u dalje tekstu ; **Izvršilac**)

I.PREDMET UGOVORA

Član 1.

Predmet ovog Ugovora je pružanje usluga dezinfekcije, dezinsekcije i deratizacije prostorija škole.

II. OBIM USLUGA I DINAMIKA VRŠENJA USLUGA

Član 2.

Naručilac naručuje, a Izvršilac se obavezuje da za potrebe Naručioca izvrši poslove:

- Dezinfekcije
- Dezinsekcije
- Deratizacije

Izvršilac se obavezuje da će, u okviru redovnog higijnsko-sanitarnog održavanja, usluge obavljati prema sljedećoj dinamici, a u skladu sa Pravilnikom o načinu obavljanja obaveznih DDD mjera („Sl. Ovine F BiH, broj 81/14):

- Dezinfekcija prostorija škole – svakih 30 dana počev od dana zaključenja ugovora do 31. 12. 2015.godine.
- Dezinsekcija prostorija škole jednom u 90 dana, odnosno 3 puta do kraja 2015. godine
- Deratizacija prostorija, svakih 180 dana, odnosno dva puta do 31. 12. 2015. godine.

Izvršilac se obavezuje da će pružanje usluga dezinfekcije, dezinsekcije i deratizacije obaviti u objektima škole u ulici Emira Bogunića Čarlija br. 2 i 4 Ilidža kao i u školskoj radionici u ulici La Benevolencija br. 10 Sarajevo-Centar

Izvršilac se također obavezuje da će svi vanredni pozivi pružanja DDD radova biti GRATIS.

Član 3.

Izvršilac će sa obavljanjem usluga iz člana 1. Ovog Ugovora započeti odmah po potpisu ovog ugovora.

III.CIJENA USLUGA I NAČIN PLAĆANJA

Član 4.

Ugovorne strane saglasno utvrđuju jedinične cijene Usluga iz člana 2. Ovog Ugovora i to kako slijedi:

Vrsta rada	Cijena jednog rada	Učestalost
Dezinfekcija	134,68	Svakih 30 dana
Dezinsekcija	134,68	Svakih 90 dana
Deratizacija	41,50	Svakih 180 dana

PDV nije uračunat u cijene.

Ukupno na godišnjem nivou 1.564,16 KM.

Izvršilac će usluge dezinfekcije vršiti osam puta , tri puta uslugu dezinsekcije i dva puta uslugu deratizacije do kraja 2015. godine.

Član 5.

Naručilac će plaćanje izvršenih usluga po cijenama iz člana 4. Ovog Ugovora izvršavati najkasnije u roku od 15 dana po prijemu fakture sa fiskalnim računom i potvrdom o izvršenom poslu.

IV.OBAVEZE UGOVORNIH STRANA

Član 6.

Naručilac usluga se obavezuje da:

- Izvršiocu obezbijedi nesmetan pristup i druge uvjete u prostorima u kojima će se vršiti poslovi iz predmeta Ugovora, poštujući operativni plan

- Obezbiјedi kvalitetan nadzor u toku vršenja usluga,

Izvršilac usluga se obavezuje će:

- Vršiti usluge iz člana 2. Ovog Ugovora stručno, kvalitetno i na vrijeme, prema tehničko-tehnološkim standardima iz ove oblasti,
- Obezbiјediti potreban materijal i opremu, te njihov transport do mjesta gdje će se usluge izvoditi,
- Nakon izvršenih usluga, ispostavi fakturu sa fiskalnim računom i rpotvrdom o izvršenim uslugama, koje potpisuju i ovjeravaju uovlašteni predstavnici naručioaca i izvršioaca,
- U slučaju bilo kakvih posebnih zahtjeva i rješenja od strane nadležne sanitarne inspekcije iz domena DDD radova, uz obostrano poštivanje odredbi ovog ugovora, izvršilac svu odgovornost preuzima na sebe.

V. TRAJANJE UGOVORA

Član 8.

Ovaj Ugovor traje od dana potpisivanja do 31. 12. 2015. godine.

VI.RASKID UGOVORA

Član 9.

Ugovor se može raskinuti i prije isteka roka na koji je isti zaključen, i to jednostranom izjavom o raskidu jedne ugovorne strane uručene drugoj ugovornoj strani u pismenoj formi preporučeno poštom sa povratnicom, a na adrese koje su navedene u Ugovoru.

Ugovor će se smatrati raskinutim protekom otkaznog roka od 30 (trideset) dana od dana prijema izjave o raskidu uručene jednoj ugovorenoj strani od strane druge ugovorene strane na način utvrđen prethodnim stavom ovog člana.

Za vrijeme trajanja otkaznog roka, obje Ugovorene strane su obavezne izmiriti sve svoje tekuće obaveze iz osnova ovog Ugovora, zaključno sa istekom posljednjeg dana otkaznog roka.

VII. OSTALE ODREDBE

Član 10.

Sve eventualne primjedbe na izvršene usluge i potrebe za dodatnim radovima, Naručilac će Izvršiocu saopćiti odmah.

U slučaju nastupanja okolnosti iz prethodnog stava ovog člana Izvršilac se obavezuje da uočene nedostatke otkloni u roku od 3 dana od dana saopćenja Naručioaca o svom trošku.

VIII.ZAVRŠNE ODREDBE

Član 11.

Na sve što nie izričito uređeno ovim Ugovorom, primjenjivat će se odgovarajuće odredbe Zakona o obligacionim odnosima.

Ovaj Ugovor stupa na snagu danom potpisivanja od strane Naručioaca i Izvršioaca, a isti će se primjenjivati u periodu utvrđenim članom 8. Ovog Ugovora.

Član 12.

Sve eventualne sporove koji bi mogli proizaći iz osnova ovog Ugovora, ugovorne strane će nastojati riješiti mirnim putem. U slučaju da ugovorne strane u tome ne uspiju, nadležan je Općinski sud u Sarajevu.

Član 13.

Ovaj Ugovor je sačinjen u 21 (dva) istovjetna primjerka od kojih 1 (jedan) primjerak zadržava Naručilac, a 1 (jedan) primjerak zadržava Izvršilac.

Naručilac
JU Srednja tehnička škola grafičkih
tehnologija, dizajna i multimedije Ilidža
Direktor

Izvršilac
Preduzeće „Cikolon“ d.o.o.Sarajevo
Direktor

mr.sci.Muhidin Topčić

Emsad Mujović

Broj: 01-14-20-388/15

Broj:77/15

Datum: 29. 5. 2015. godine

Datum:29.05.2015.godine